

essentiam verò aqua, quæ in Metallis nobilissimum Auri corpus expromit. Hic nempe Mars, origo ignis fulgurantis suo splendore supra Solem elatus, Ignis & Lucis virtutes efficacissimas in Jovem transfudit, ex quo Saturnus, exspirata & efflata impressio Primæ Formæ seu Qualitatis in Naturâ prodiit. Ex Venere descendit gravis Sonus cum Materia gravi Mercurium constituens ex Salnitri Sulphure per aquam, nata sic essentia cupiditatis ex Mercurio, quam Venus in Ignem sua cupiditate apprehendit, & Lunam tanquam virtutem & virium corpus dedit. Sic Septem Qualitatem, & Proprietatem in Naturâ Primariarum ortus per Verbum *Fit* apertus, atque hi Septem Præsides in Natura constituti sunt, inter quos Sol Rex, tamdiu duraturus, quamdiu tempus manebit, splendorem & efficaciam suam accepit ex Splendore Ignis Tincturæ, quæ in Aeterno, Spirituali & Magico Igne habitat. Omnium igitur virtutum Astralium causâ, & centrum, cunctis syderibus vires & virtutes suas impertit, & communicat, atque omnes ipsorum vires aperit, perinde ac ex corde animalis Anima in reliqua totius corporis membra vires suas diffundit, atque quodvis ad munus suum perficiendum excitat, & promptum ac paratum reddit. Sicut autem Sol Centrum est omnium Cœlestium Corporum; Sic etiam Terra pro centro habenda Elementaris Mundi, ita ut hæc quasi Uxor sit, & Sol Mariti vices gerat, qui vires omnes suas cum cæteris astris in Terram, Cœlestium virium susceptricem, transmittat. Solis itaque fulgor atque splendor uno gradu profundioris originem nactus est, quam quidem externus Mundus propriâ & externâ suâ manifestatione patet, quod Ethnici Sapientes animadvertunt, idcirco ipsum divinis honoribus afficientes, quia verum Deum extra omnem Naturam in se ipso habitantem ignorarunt. De Sole in *Prælog. pag. 69. 70.* plura invenies.

MARS.

V. MARS Armatus & omni genere telorum septus, curru, cui in Typo nostro præfente impositus est, gubernat, & Martem Planetam designat, qui circulo suo supra Solem elato reliquos omnes sibi subiectos ambit, atque unanimi omnium Astronomorum consensu Luna, Mercurio, Venere ac Sole superior est, quem tamen Solus *Tycho Brahe* Acronychum, & Soli oppositum sub eo verari contendit. *Prælog. pag. 70.*

VI. JUPITER Fulmen manu tenens in curru suo JUPITER. Aquila jundto conspicitur, orbitæque suæ cæteros inferiores circulos complectens, Saturnique circulo subiectus, sextam in serie Planetarum viam percurrit, & maximo fulgore splendens Venere paulo minor apparet. *Prælogio pag. 71.*

VII. SATURNUS manu falcem messoriam contrahens in Typo hoc Planispharico à duobus draconibus protrahitur, & in extremâ Planetarum serie collocatus supremus & ultimus est Planetarum, atque Orbitâ suâ Firmamento proximus, qui omnium Astronomorum sententiâ cæteros Orbes inferiores cunctos Sphærâ suâ circumcingit. Facilis cogniti Planeta, quippe qui plumbei ferè coloris, ac subobscuri reliquarum stellarum respectu non scintillat.

VIII. FIRMAMENTUM, seu Cœlum Octavum FIRMAMENTUM. proximè supra Planetarum Cœlos, & Sphæras, in quo per spatium latissimum se extendente, omnes stellæ fixæ suas sedes habentes, se conspicendas exhibent, Inerrantes idcirco etiam dictæ, unde & hæc Sphæra Aplares quoque nuncupari solet. In eâ est Dodecamorion, seu Ecliptica, aut Zodiacus duodecim Signa Cœlestia, quæ Sol annuatim peragrarè consuevit, complectens, & in hac Leone Planispharica Orbe extimo adumbratus, in quâ sequentes sphæræ ob nimis angustum spatium omittæ facili tamen negotio ex prioribus intelligi possunt.

IX. SPHÆRA NONA, seu Cœlum Crystallinum SPHÆRA. unum regens motum anomalie processionis Equinoctiorum, *ἀναγορ*, sive sideribus carens, & pellucidum.

X. SPHÆRA DECIMA, seu Cœlum Crystalli. DECIMA. num alterum, etiam *ἀναγορ*, sive stellis carens, & regendo motui anomalie obliquitatis Zodiaci inserviens.

XI. SPHÆRA UNDECIMA, seu Primum Mobile, UNDECIMA. quod Motum Diurnum regit, & reliquos Orbes Cœlestes viginti quatuor horarum spatio circa Elementarem Mundum, seu Sublunarem Universi Creati Partem ab Ortum in Occasum circumducit.

XII. SPHÆRA DUODECIMA, seu Cœlum Em-pyræum, DUODECIMA. *ἀναγορ* immobile, & beatorum hominum sedes.

Hoc Ordine totum Universum Creatum disponunt *Aristoteles*, & *Ptolemaus*, ac cæteri hodierno tempore Peripatetici, qui horum Authorum sententiæ assipulantur.

